



Na osnovu člana 70. stav (1) i (4) Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH broj 29/18), na preporuku Komisije za javne nabavke od 20.11.2019. godine, Centralna izborna komisija Bosne i Hercegovine je na 60. sjednici održanoj 05.12.2019. godine, donijela

### **ODLUKU** **o poništenju postupka**

(1) Poništava se postupak javne nabavke **softvera - „Nadogradnja JIIS BiH“ - LOT 1 – nadogradnja/dorada softvera za vođenje Centralnog biračkog izvršen primjenom konkurentskog zahtjeva za dostavu ponuda broj: 07-2-16-3-598-3/19 od 25.10.2019. godine.**

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 35/15).

### **Obrazloženje**

Postupak javne nabavke **softvera - „Nadogradnja JIIS BiH“, LOT 1 – nadogradnja/dorada softvera za vođenje Centralnog biračkog spiska** proveden je putem konkurentskog zahtjeva za dostavu ponuda. Obavještenje o nabavci objavljeno je na portalu Javnih nabavki broj: 794-7-2-183-3-8/19 od 26.11.2019. godine. Do krajnjeg roka za prijem ponuda 14.11.2019. godine do 14:00 sati, na adresu Centralne izborne komisije Bosne i Hercegovine dostavljena samo jedna (1) ponuda, ponuđača **„Lanaco“ d.o.o. Veljka Mladenovića bb 78 000 Banja Luka.**

Komisija za javne nabavke imenovana Odlukom broj: 07-2-16-3-598-2/19 od 15.08.2019. godine izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-598-9/19 od 19.11.2019.godine, koji je u prilogu ove odluke, u kome je konstatovala da dostavljena ponuda nije prihvatljiva, jer nije u skladu sa tehničkim i funkcionalnim zahtjevima navedenim u tenderskoj dokumentaciji i predložila Centralnoj izbornoj komisiji Bosne i Hercegovine donošenje odluke o poništenju postupka nabavke softvera - „Nadogradnja JIIS BiH“-**nadogradnja/dorada softvera za vođenje Centralnog biračkog spiska**, u smislu člana 69. stav (1) tačka b) i stav (2) tačka d) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-598-11/19  
Sarajevo, 05.12.2019. godine

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH [www.izbori.ba](http://www.izbori.ba)
4. A/a

Predsjednik  
Branko Petrić

